

## JAVNE KONSULTACIJE

### **Izveštaj o pregovorima vezanim za zaključivanje Protokola o saradnji između Vijeća ministara Bosne i Hercegovine i Vlade Crne Gore u traženju nestalih osoba**

Ministarstvo za ljudska prava i izbjeglice BiH u skladu sa članom 7. Pravila za konsultacije u izradi pravnih propisa („Službeni glasnik“, broj 5/17), poziva sve zainteresovane građane i civilno društvo u Bosni i Hercegovini da učestvuje u postupku javnih konsultacija na **Izveštaj o pregovorima vezanim za zaključivanje Protokola o saradnji između Vijeća ministara Bosne i Hercegovine i Vlade Crne Gore u traženju nestalih osoba**. Procesom javnih konsultacija želi se osigurati veći nivo učešća građana, bolja informisanost i veće povjerenje tokom kreiranja javne politike u BiH.

Zakonom o postupku zaključivanja i izvršavanja međunarodnih ugovora („Službeni glasnik BiH“, broj 29/00) uređen je postupak zaključivanja i izvršavanja međunarodnih ugovora i druge radnje u vezi sa međunarodnim ugovorom. Resorno ministarstvo – Ministarstvo za ljudska prava i izbjeglice BiH je obavezno provoditi postupak zaključivanja Protokola.

Vijeće ministara Bosne i Hercegovine, na 33. sjednici održanoj 03.12.2015 godine je utvrdilo Prijedlog osnova za vođenje pregovora radi zaključivanja Protokola o saradnji u traženju nestalih osoba između Vijeća ministara Bosne i Hercegovine i Vlade Crne Gore a na 38. sjednici održanoj 08.01.2016 godine zadužilo je Ministarstvo za ljudska prava i izbjeglice Bosne i Hercegovine da unese usaglašeni sastav prijedloga delegacije za vođenje pregovora. Sve navedene aktivnosti je Ministarstvo za ljudska prava i izbjeglice Bosne i Hercegovine završilo i materijal dostavilo Predsjedništvu Bosne i Hercegovine u daljnju proceduru. Predsjedništvo Bosne i Hercegovine, na 21. redovnoj sjednici, održanoj 3. marta 2016. godine donijelo je Odluku o pokretanju postupka za vođenje pregovora radi zaključivanja Protokola o saradnji u traženju nestalih osoba Vijeća ministara BiH i Vlade Republike Crne Gore. Ministarstvo vanjskih poslova BiH je obavijestilo Ambasadu Crne Gore u BiH o donesenoj Odluci, a Ministarstvo rada i socijalnog staranja Crne Gore iskazalo je interes za otpočinjanje pregovora.

Pregovarački timovi Vijeća ministara Bosne i Hercegovine i Vlade Crne Gore sastali su se 17. decembra 2018. godine u Sarajevu radi usaglašavanja teksta Protokola o saradnji u traženju nestalih osoba između Vijeća ministara Bosne i Hercegovine i Vlade Crne Gore. Tok pregovora protekao je u konstruktivnom dijalogu i usaglašen je veći dio članova Protokola. U Podgorici je, 5. marta 2019. godine, održan drugi sastanak između pregovaračkih timova Vijeća ministara Bosne i Hercegovine i Vlade Crne Gore, na kome su delegacije pristupile pravno-tehničkom sravnjavanju i upoređivanju tekstova protokola na službenim jezicima Bosne i Hercegovine (bosanskom, srpskom i hrvatskom) i crnogorskom jeziku i konačnom usaglašavanju teksta protokola. Pregovarački timovi su se dogovorili da se što prije otpočne sa procedurom neophodnom za potpisivanje Protokola. U skladu s navedenom odlukom Predsjedništva Bosne i Hercegovine, pregovori vezani za zaključivanje Protokola o saradnji između Vijeća ministara Bosne i Hercegovine i Vlade Crne Gore u traženju nestalih osoba, rezultirali su usaglašavanjem i sačinjavanjem njegovog teksta.

Proces javnih konsultacija je otvoren do 13.04.2019. godine.

Molim da eventualne komentare, primjedbe i prijedloge dostavite na e-mail [almina.jerkovic@mhr.gov.ba](mailto:almina.jerkovic@mhr.gov.ba)

**USAGLAŠENI TEKST**

**PROTOKOL O SARADNJI U TRAŽENJU NESTALIH OSOBA IZMEĐU VIJEĆA  
MINISTARA BOSNE I HERCEGOVINE I VLADE CRNE GORE**

## **Protokol o saradnji u traženju nestalih osoba između Vijeća ministara Bosne i Hercegovine i Vlade Crne Gore**

Vijeće ministara Bosne i Hercegovine i Vlade Crne Gore (u daljem tekstu: strane),

- želeći doprinijeti ublažavanju humanitarnim posljedica ratnih sukoba na prostoru bivše Socijalističke Federativne Republike Jugoslavije (u daljem tekstu: SFRJ),

svjesne potrebe za saradnjom u traženju nestalih osoba i afirmirajući pravo porodica da saznaju istinu o svom nestalom članu,

sporazumjeli su se kako slijedi:

### **Član 1.**

Protokol o saradnji u traženju nestalih osoba između Vijeća ministara Bosne i Hercegovine i Vlade Crne Gore uređuju se međusobni odnosi, obaveze i način zajedničkog rada Strana u traženju osoba koje su nestale u oružanom sukobu na prostoru bivše SFRJ, u periodu od 30.04.1991 do 14.02.1996. godine, a na teritoriju država potpisnica ovog protokola.

### **Član 2.**

Strane su saglasne, da bez odlaganja, preduzmu sve potrebne mjere i unaprijede međusobnu saradnju radi rješavanja svih slučajeva osoba koja se vode kao nestale.

U skladu sa kriterijima koje utvrđuje Međunarodna Konvencija za zaštitu svih osoba od prisilnog nestanka, nestala osoba je osoba o kojoj porodica nema nikakvih vijesti i/ili je prijavljena na osnovu pouzdanih informacija kao nestala osoba usljed oružanog sukoba koji se desio na teritoriji bivše SFRJ.“

### **Član 3.**

Strane će bez odlaganja, preko svojih nadležnih tijela, razmijeniti raspoložive informacije i dokumentacije od značaja za rješavanje slučajeva nestalih osoba.

### **Član 4**

Strane će posebnu pažnju posvetiti saradnji u razmjeni raspoloživih informacija i dokumentacije o utvrđivanju postojanja grobnih mjesta, procesu ekshumacija i/ili identifikacija posmrtnih ostataka nestalih osoba.

Strane će obezbijediti poštovanje standarda i principa koji se odnose na zaštitu podataka o ličnosti (privatnosti), uključujući i medicinsku dokumentaciju.

### **Član 5**

Ukoliko se radi o ekshumacijama i /ili identifikacijama od zajedničkog interesa strane će blagovremeno obavještavati jedna drugu o vremenu ekshumacije i/ili identifikacije i omogućiti prisustvo predstavnika druge Strane, u svojstvu posmatrača. Prisustvo će biti omogućeno i zainteresovanim međunarodnim organizacijama, u skladu sa njihovim mandatom na teritoriji države one Strane koja sprovodi ekshumaciju i/ili identifikaciju.

#### Član 6.

Strane će, preko svojih nadležnih tijela, uspostaviti saradnju radi olakšavanja i ubrzanja postupka primopredaje posmrtnih ostataka nestalih osoba, saradivaće u obavještavanju porodica koje treba da pristupe postupku identifikacija, obezbjeđivati dokumentaciju neophodnu za prenos i predaju posmrtnih ostataka identifikovanih osoba, snositi neophodne troškove za prekogranični prevoz posmrtnih ostataka, kao i troškove za prevoz posmrtnih ostataka na teritoriji svoje države.

#### Član 7.

Strane će usaglasiti i utvrditi radna pravila i procedure za realizaciju ovog protokola u roku od 90 dana od dana potpisivanja.

#### Član 8.

Nadležna tijela i organizacije obje Strane će u okviru svojih nadležnosti pružati pomoć u realizaciji obaveza preuzetih zaključivanjem ovog protokola.

Strane se slažu da nadležni organi navedeni u prethodnom stavu redovno prate izvršavanje ovog Protokola i usklađuju saradnju u oblasti traženja nestalih osoba, te u tom cilju po potrebi i na zahtjev jedne od Strana organizuju sastanke.

#### Član 9.

Protokol stupa na snagu datumom prijema posljednje pisane obavijesti kojom Strane obavještavaju jedna drugu, diplomatskim putem, o ispunjenju svih uslova predviđenih njihovim zakonodavstvima za njegovo stupanje na snagu.

Ovaj protokol ostaje na snazi do završetka procesa traženja osoba koje se vode kao nestale u oružanom sukobu na prostoru bivše SFRJ.

Ovaj Protokol može se u svako doba izmijeniti i dopuniti obostranim pismenim pristankom Strana. Izmjene i dopune stupaju na snagu skladno postupku utvrđenom u stavu 1. ovoga člana.

Sačinjeno u ..... dana \_\_\_\_\_ ..... godine, u 2 originalna primjerka, svaki na službenim jezicima Bosne i Hercegovine ( bosanskom, srpskom i hrvatskom ) i crnogorskom jeziku.

Za Vijeće ministara Bosne i Hercegovine

Za Vladu Crne Gore

99

92